

**1** Eman ezazu egoki, labur eta zehatz ondoko kasuoi dagozkien idazpuruko gaiak:

**1.1** HAEEK ofizio bat bidali nahi die udalei, langileentzako alfabetatze-ikastaroak zein euskaltegitan emango diren esanez.

**1.2** "Ars" izeneko kultur erakundeak dirulaguntza eskatu dio zure sailari. Ofizio baten bidez baiezkoa ematen diezue.

**2** Jarraian dituzun hartzailearen datuetan zenbait aldaketa egitea komenigarria izan daiteke. Zeintzuk dira aldaketok?

*EMILIO ROJO LOPEZ DE ARBULO jauna*

*A.R.C.E.S.A.ko Zuzendaria*

*A.R.C.E.S.A. Alegria (01240)*

*Barrenkale - 9*

**3** Idatzi ofizio baten testua ondoko datuei erreparatuz:

- Ofizioaren helburua langile baten eskabideari erantzutea da, lehenengo hiru urtekoa kobratzeko eskubidea duela esanez.

- Ofizioaren zertarakoa, Zerbitzu Orokorretako buru zaren aldetik, langile hori jakinaren gainean jartzea da.

**4** Egizu ofizioa segidako datuokin:

- Igorlea: zure saileko zerbitziburua.

- Hartzailea: Zerbitzu Orokorretako arduraduna.

- Gaia: udako oporrak

- Helburua: abuztuan jai hartuko duten langileen zerrenda bidaltzea.

- Zertarakoa: arduradunari jakinaraztea.

# A R I K E T A K

**H** **5** Hona,  
**I** jarraian, ofizio  
**T** bat. Bertan  
**Z** jasotzen diren  
**E** laburtzapenetan  
**Z** hainbat akats  
daude. Egin  
**H** itzazu beharrezko  
**I** aldaketak akats  
**T** horiek  
**Z** zuzentzeko.

Toki-egunak: Vitoria-Gasteiz, 1993-09-24
Gaia: Ikertzaile lanpostua. Frogetarako deia
Ek. (1): 93-20.814

E.H.A.A.ko (2) zerbitzuburua  
Jacinto Corres Abásolo  
Eusko Jaurlaritzza  
Duque de Wellington 2  
01011 Vitoria-Gasteiz

Honekin batera doakizu hautaketa-frogetarako deia, argitara eman dezazun.

#### ABELAZKUNTZA-ARLOKO IKERTZAILE LANPOSTUA: LEHENENGO FROGA EGITEKO DEIALDIA

Ikertzaile lanposturako hautaketa-frogetara aurkezteko deia egiten da honen bidez. Frogak 1993-10-11n egingo dira, 10:45etan, HAEren (3) Gasteizko egoitzan (Adriano VI kalea 20, 5. solairua).

Ezagutza teknikoak neurtzeko frogak izango da; galdera teorikoel erantzun beharko zaie idatziz eta laburki, eta gai bat azaldu. Gutxi gora-behera bi orduko azterketa izango da, eta honako hauek izango dira gaiak:

- EAEko (4) lurren emankortasuna.
- 10 ha. eta 15 ha. (5) bitarteko zelaietako agronomia.

Halaber, hautaketa-prozesuan parte hartu ahal izateko, E.G.A. (6) lortu izana egiaztatzeke agiria aurkeztu beharko da.

Nekazaritzako eta Baserrialdearen Garapenerako zuzendaria

Mertxe Garcia Padilla

**6** Aukera ezazu erantzun egokia:

Ondorengo ariketa honetan osatu beharreko zenbait esaldi daukazu. Horretarako, launa aukera eman zaizu. Esaldi guztiak osatutakoan, jo ezazu beheko erantzunetara, ea erantzun zuzena eta zuzentasunaren zergatia asmatu duzun.

**1** Peio Gorostidi Aldaizek ustezko lege-hauste bat egin du. Epaitu aurretik bere izen ona ez lardaskatzearren,

inizialak erabiliko ditugu. Beraz, '.....  
lege-haustea leporatu diote' adieraziko dugu.

- a) *P.G.A.ri*
- b) *P.G.A.i*
- c) *P.G.A.eri*
- d) *PGAri*



## 2 Administrazioiko testu asko

..... (Itzulpen-Zerbitzu Ofiziala) bidaltzen dira itzultzeko.

- a) *I.Z.O.ra*
- b) *IZOra*
- c) *I.Z.O.era*
- d) *IZOera*

## 4 Euskal Herriko (.....) biztanle-kopurua gain-behera doa.

- a) *EHko*
- b) *EH*
- c) *E.H.ko*
- d) *EH-ko*

## 3 Zenbait ikastarotan parte hartzeko,

..... (Bilbo-Bizkaia Kutxa) kontu batean sartu behar da dirua.

- a) *BBKko*
- b) *BBK.ko*
- c) *B.B.K.ko*
- d) *BBK-ko*

## 5 DIN A4 neurriko orriek 21,0 ..... luzera eta 29,7 ..... zabalera dute.

- a) *cm.ko*
- b) *zm.ko*
- c) *cm-ko*
- d) *zm-ko*

L  
A  
N  
E  
A  
N  
E  
U  
S  
K  
A  
R  
A  
Z

**7** Basauriko alkatea zara eta zenbait herritar gonbidatu nahi dituzu **BASAURI GAUR** izeneko aldizkari berriaren aurkezpenera. Testua idazten hasi aurretik, burura etorritako gauzak jaso dituzu. Hona hemen ideia horiek:

- a) *Bertaratzetik ez baduzu, jakinarazi, mesedez, ahalik eta lasterren.*
- b) *Aurkezpenaren ondoren ez da "lunch"ik izango.*
- c) *Aldizkariaren aurrekontu osoa hogeit mila milioikoa da.*
- d) *Alkateak BASAURI GAUR aldizkari berriaren aurkezpenera gonbidatzen zaitu.*
- e) *Aldizkaria hileroko kaleratuko da.*
- f) *Aldizkariaren aurkezpena 1993ko urriaren 20an izango da, asteazkenean, arratsaldeko 19:00etan, herriko udaletxean.*
- g) *Udalak izugarritzko ahaleginak egin behar izan ditu proiektu hau bideratu eta burutu ahal izateko.*
- h) *BASAURI GAUR aldizkariaren koordinatzaileak esperientzia handia du horrelako argitalpenetan.*
- i) *Aurkezpenean, alkatearekin batera, Kulturako zinegotzia den Jon Mendia jaunak parte hartuko du.*
- j) *Aldizkarian herriari buruzko informazioez gain, erreportaiak, elkarriketak eta beste atal interesgarriak ere jasotzen dira.*

**7.1** Gonbidapen honetan ez da beharrezkoa bildutako informazio guztia jasotzea. Aukeratu egin behar dugu. Zure ustez, zeintzuk dira gonbidapenetik kanpo gera daitezkeen sei ideiak?

**7.2** Antolatu gainontzekoa eskema baten arabera.

**7.3** Behin eskema egin ondoren, idatz ezazu gonbidapena.

# S O L U Z I O A K


- 1.1 • Alfabetatze-ikastaroak  
• Langileentzako alfabetatze-ikastaroak  
• Alfabetatze-ikastaroak. Euskaltegiak  
• Alfabetatze-ikastaroetarako euskaltegiak

- 1.2 • “Ars”en eskabidea onartzea  
• “Ars”entzako dirulaguntza onartzea  
• “Ars”en eskabidearen aldeko erabakia

- 2 ARCESAko(1) zuzendaria(2)  
Emilio Rojo López de Arbulo(3)  
ARCESA. Barrenkale 9  
01240(4) Alegría-Dulantzi(5)

- (1) Sigletan ez da tarteko punturik idatzi behar.  
(2) Euskaltzaindiaren arabera, karguak letra xehez jaso behar dira.  
(3) Ofizioetan, hartzailearen izen-abizenak karguaren azpian adierazi ohi dira. Izenaren ondoren ez da beharrezkoa “jauna” edo “andrea” jartzea.  
(4) Hurrenkerarik erabiliena hauxe da: helbidea, posta-kodea, herria, probintzia, nazioa.  
(5) Herrien izen ofizialak ematea komeni da.

- 3 “Zure eskabideari erantzuteko, ofizio honen bitartez lehenengo hiru tekoa kobratzeko eskubidea duzula jakinarazten dizut”.




- 7.1 b, c, e, g, h, j.

- 7.2 1 GONBITEA (d), 2 TOKIA, EGUNA, ORDUA (f), 3 PARTE HARTZAILEAK (i), 4 AZKEN OHARRA (a).

### 7.3 BASAURIKO ALKATEAK

**BASAURI GAUR** aldizkari berriaren aurkezpena gonbidatzen zaitu atsegin handiz. Aurkezpena 1993ko urriaren 20an izango da, asteazkenean, arratsaldeko 19:00etan, herriko udaletxean, eta bertan, alkatearekin batera, Kulturako zinegotzia den Jon Mendia jaunak parte hartuko du.

Oh.: Bertaraterik ez baduzu, jakinarazi, mesedez, ahalik eta lasterren.



- 6 1 a) *P.G.A.ri*. Nahiz eta ‘Peio Gorostidi Aldaizi’ izan inisial horien azalpena; zeren inzialak erabiltzean, gure asmoa azpian dagoen izena izkutatzea baita. Beraz, ezin dugu azpian dagoen izen horren arabera deklinatu. Bestalde, inzialak puntuz idatzi behar dira beti ere.

2 b) *IZOra*. Nahiz eta ‘Itzulpen-Zerbitzu Ofizialera’ izan sigla horren azalpena. Izan ere, siglak ahoskeraren arabera deklinatu behar dira; eta ‘IZO’ren ahoskera ‘izo’ denez, ‘Bilbo’ bezalaxe deklinatuko dugu. Bestalde, siglak punturik gabe idatzi behar dira beti ere.

3 d) *BBK-ko*. Siglaren amaieran eta atzizkiaren hasieran letra berbera badaukagu, sigla eta atzizkia bereizteko marratxoa jarri behar da tartean.

4 b) *EH*. Parentesi artean doan sigla nahiz azalpena, deklinatu gabe idatzi behar da.

5 d) *cm-ko*. Ikurrak punturik gabe idatzen dira, eta ikurra eta deklinabide-atzizkiaren artean marratxoa jarrita. Bestalde, ikurraren azalpena ‘zentimetro’ den arren, ‘cm’ idatzen da (eta ez ‘zm’), ikurrak nazioartekoak direlako.